

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

V.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

& diuturnum & ad posteritatem stabile efficias, toto DEUM pectore precor. Lætor etiam, te fructum hunc studiorum & laborum tuorum uberrimum & jucundissimum percipere, ut senes parentes tuos, virtutis & gloriæ tuæ spectatores isthic præsentem habeas, ac ut diu hoc suavi contubernio frui isthic tibi liceat, opto.

Quod de præsentis Academiæ statu me docuisti, amanter gratum habeo, idque ut deinceps facias, oro. Significes etiam, quem in Stiriaca schola successorem reliqueris, & an pagellas illas legum, de quibus superiori anno scripseram, habere possim. Edidi epistolas aliquot Patriarchæ Constantinopolitani & Alexandrini, recens ad Germanos scriptas, quorum perustrationem tibi non insuavem fore spero. Lectum igitur exemplum Reverendo & clariss. seni patri tuo trades, eumq; reverenter & officiosè verbis meis salutabis. Pluribus enim libellis tabellarium morosum onerare non licuit. Apud nos omnia pristino loco sunt. Quem ex consiliariis isthic maximè amicum & familiarem habeas & sincerum judices, cupio à te doceri. Benè vale. Idibus Febr. 1580.

David Chytræus.

IV.

Quod de consiliario tibi amico quæsi, hæc causa est. Novisti Joannem Grevenstein, præfectum nobilium Menzingensium, Græcè & latinè benè eruditum (ur ex Græco carmine, quod scribit, judicari potest) & in omni officio diligentem ac fidum. Uxor etiam industria Oeconoma, ac rei culinariæ peritissima est. Is optaret, vel præfecturam aliquam, vel, quod maximè cupit, Oeconomiam in Academia sibi commendari, ubi Doctorum hominum consuetudine frueretur. Existimat autem, mea intercessione apud consiliarios se juvari posse, in quo haut dubiè fallitur. Sed tamen expectationi & voto ipsius vos respondere posse optarim. Quæso igitur, ut de tua voluntate & consilio aliquid nobis significes. Vir enim optimus ac verè *εργασίος*, h. e. officiosissimus est. Cujus tibi gratissimam fore conjunctionem non dubito. Si quid prodesse ipsi poteris, ita accipiam, ac si in me ipsum contulisses. Iterum vale.




V.

S. D. Reverende & doctissime D. Erasme.

Georgius ille, qui se Uranium nominabat, de cujus polypragmonicis & pleonecticis actionibus isthic susceptis, superiori anno, 3. Cal. Septembr. ad me
Hhhh 2 scri-

scripsisti; & furendi & vivendi finem fecit, mense Decembri, Colonia ad Suevum in Marchia sepultus. DEUS & ipsi & mihi propicius sit, cum non longè à vitæ meta me quoque abesse sciam. Pro Theophili Golii Onomastico, quod Davidulo meo misisti, gratiam habeo. Verùm is jam in multò eruditior & beatiore schola cœlesti, non onomasticon discit, sed ipso sapientiæ fonte augusto & perenni fruitur, evocatus ex his terris ante quadriennium. Tibi & fratri de honoris accessione gratulor, ac ut organa gloriæ DEI salutaria perpetuò maneat, DELIM oro. Rectoris vestri cum Pappo Tragœdia an sedata sit, cupio à te doceri. Bene vale. Idibus Febr. 1580.

David Chytræus.



VI.

Salutem in Domino.

ACcepi R. tuæ literas, unâ cum consiliis, quæ R. tua (vir clarissime, reverende in Christo pater) Illustrissimo Duci Bipontino Joanni subjecit. Sed non audit currus habenas. Et ut ipsius Celsitudini procul dubio prima & ultima pars scripti tui non placebit: ita vereor, ne mediam partem (quæ ostendit, quomodo civiliter sese excusare potuisset, si omnino consentire jam nolisset) Princeps ille apprehendat, & aliis ostendet, quasi tua R. in ea sit opinione, quam ipse urget. Video enim, quam varias & multas excusationes querant, qui ab aliis sine causa dissentiant. Sed res Domino est committenda. Pantaleon autem ille non candidus, sed niger, non modo silentium non præstabit, verum etiam magnas turbas olim dabit. Quod si Hailbronnerus dimissus fuerit, magis id aget ille callidus veterator, ut videlicet paulatim Calvinisimum introducat. Sed Bipontinus cogi non potest, ut Doctorem Hailbronnerum retineat. Existimo autem, Ducem ipsum quodammodo dubitare, quid sit acturus: Verebitur fortasse etiam hominum, præsertim magnorum Virorum Judicia, qui mirabuntur, quid sibi velit, quod sincero Evangelii ministro dimisso, retineat insyncerum. Nostri duo Principes, qui Legatos misere, amice, fraterne, & masculè tamen, respondent. Et miror, cur Bipontinus Dux ad eò urgeat Francofordiensem Recessum, cum ille Recessus proliis hoc non dicat, quod Bipontinus urget. Tossanum aliquod scriptum tuæ R. responso opposuisse, etiam ex aliis audio, & Sturmium contra me in armis esse, ex diversis locis mihi significatur. Ego, Christo Duce, ipsius Sturmianum impetum sustinebo, & DEI gratia adjutus, repellam. Hoc enim certo scio, quod adversus nostram causam non nisi